

Rumantsch è ina lingua naziunala, ma ina lingua parzialmain uffiziala da la Confederaziun, numnadamain en la correspundenza cun persunas da lingua rumantscha. La translaziun d'in decret federal serva a l'infurmaziun, n'ha dentant nagina validitat legala.

Lescha federala davart la protecziun da las auas (Lescha davart la protecziun da las auas, LPAuas)

dals 24 da schaner 1991 (versiun dal 1. da favrer 2023)

*L'Assamblea federala da la Confederaziun svizra,
sa basond sin l'artitgel 76 alineas 2 e 3 da la Constituziun federala^{1,2}
suenter avair gi invista d'ina missiva dal Cussegl federal dals 29 d'avrigl 1987³,
concluda:*

1. titel Disposiziuns generalas

Art. 1 Intent

Questa lescha ha l'intent da proteger las auas d'influenzas nuschaivlas. Ella ha en spezial las suandantas finamiras:

- a. preservar la sanadad dals umans, dals animals e da las plantas;
- b. garantir il provediment e promover in diever spargnus da l'aua da baiver e da diever;
- c. mantegnair ils biotops naturals per la fauna e la flora indigena;
- d. mantegnair las auas cun peschs;
- e. mantegnair las auas sco elements da la cuntrada;
- f. segirar la sauaziun agricula;
- g. permetter l'utilisaziun da las auas per intents da recreaziun;
- h. segirar la funcziun naturala dal ciclus idrologic.

Art. 2 Champ d'applicazion

Questa lescha vala per tut las auas sur e sut terra.

AS 1992 1860

¹ SR 101

² Versiun tenor la cifra II 2 da la LF dals 19 da mars 2010, en vigur dapi il 1. d'avust 2010 (AS 2010 3233; BBl 2009 5435).

³ BBl 1987 II 1061

Art. 3 Duair da diligenza

Mintgin è obligà d'agir cun tut la diligenza pretendida tenor las circumstanzas per evitar influenzas nuschaivlas sin las auas.

Art. 3a⁴ Princip dal chaschunader

Tgi che chaschuna mesiras tenor questa lescha, sto surpigliar ils custs respectivs.

Art. 4 Noziuns

En questa lescha signifitgan las suandantas noziuns il sequent:

- a. *Aua sur terra*: l'aua, il letg da l'aua, il fund e la scarpa sco er la fauna e la flora che vivan là.
- b. *Aua sut terra*: l'aua sotterrana (incl. l'aua da funtauna), las furmaziuns aquiferas, las stresas impermeablas e las stresas da cuvrida.
- c. *Influenza nuschaivla*: contaminaziuns ed autras intervenziuns che donnegschan la furma u la funczjuni d'ina aua.
- d. *Contaminaziun*: midada dischavantagiusa da las caracteristicas fisicalas, chemicas u biologicas da l'aua.
- e. *Aua persa*: aua midada tras il diever chasan, industrial, artisanal, agricul u tras ulterior diever, plinavant l'aua che curra cuntuadament ensem en quella en la chanalisazjuni sco er l'aua da precipitaziuns che defluescha da surfatschas surbajegiadas u da surfatschas cuvrida dira.
- f. *Aua persa smerdada*: aua persa che po contaminar in'aua, en la quala ella arriva.
- g. *Ladim natural*: puschina, grascha ed auas da silo che derivan da la teginida d'animals da niz.
- h. *Quantitat da deflussiun Q₃₄₇*: quantitat da deflussiun che vegn – guardà sur ina perioda da 10 onns – cuntanschida u surpassada en media durant 347 dies da l'onn e che na vegn betg influenzada fermamain tras accumulaziuns, prelevaziuns u apports d'aua.
- i. *Deflussiun permanenta*: quantitat da deflussiun Q₃₄₇ ch'è pli gronda che nulla.
- k. *Quantitat d'aua restanta*: quantitat da deflussiun d'ina aua currenta che resta suenter ina u pliras prelevaziuns d'aua.
- l. *Quantitat d'aua da dotaziun*: quantitat d'aua ch'è necessaria per garantir ina tscherta quantitat d'aua restanta en cas d'ina prelevaziun d'aua.

⁴ Integrà tras la cifra I da la LF dals 20 da zer. 1997, en vigur dapi il 1. da nov. 1997 (AS 1997 2243; BBI 1996 IV 1217).

m.⁵ *Revitalisaziun*: restabiliment da las funcziuns natiralas d'ina aua sur terra, ch'era vegnida messa en rempars, curregida, cuvrida u chanalisada, cun agid da mesiras architectonicas.

Art. 5 Excepziuns per la defensiun generala e per situaziuns d'urgenza

Sche la defensiun generala u situaziuns d'urgenza pretendan quai, po il Cussegli federal prevair excepcions da questa lescha decretond in'ordinaziun.

2. titel Impediment ed eliminaziun d'influenzas nuschaivlas

1. chapitel Protecziun da la qualidad da las auas

1. secziun Inducziun, deposit e sfundrada da substanzas

Art. 6 Princip

1 Igl è scumandà d'inducir directamain u indirectamain en in'aua u da laschar sfundrar substanzas che pon contaminar l'aua.

2 Igl è er scumandà da deponer u da sterner talas substanzas ordaifer in'aua, sche quai chaschuna in privel concret che l'aua pudess vegnir contaminada.

Art. 7 Allontanament da l'aua persa

1 L'aua persa smerdada sto vegnir tractada. Per l'inducir en in'aua u per la laschar sfundrar dovrà ina permissiun da l'autoritat chantunala.

2 Aua persa nunsmerdada è da laschar sfundrar tenor las ordinaziuns da l'autoritat chantunala. Sche las relaziuns localas na permettan betg quai, po l'aua vegnir inducida en in'aua sur terra; en quest connex ston sche pussaivel vegnir prendidas mesiras da retegn, per che l'aua possia defluir en moda constanta en cas da grondas deflussions. Per inducziuns che na figureschan betg en ina planisaziun communal da l'allontanament da l'aua approvada dal chantun dovrà ina permissiun da l'autoritat chantunala.⁶

3 Ils chantuns procuran per ina planisaziun communal e sche necessari per ina planisaziun regionala da l'allontanament da l'aua.⁷

Art. 8⁸

⁵ Integrà tras la cifra I da la LF dals 11 da dec. 2009 (renatiralisaziun), en vigur dapi il 1. da schan. 2011 (AS **2010** 4285; BBI **2008** 8043 8079).

⁶ Versiun tenor la cifra I 3 da la LF dals 21 da dec. 2007 davart l'aboliziun e la simplificaziun da proceduras da permissiun, en vigur dapi il 1. da zer. 2008 (AS **2008** 2265; BBI **2007** 315).

⁷ Integrà tras la cifra I da la LF dals 20 da zer. 1997, en vigur dapi il 1. da nov. 1997 (AS **1997** 2243; BBI **1996** IV 1217).

⁸ Aboli tras la cifra 2 da l'aggiunta da la LF dals 21 da dec. 1995, cun effect dapi il 1. da fan. 1997 (AS **1997** 1155; BBI **1993** II 1445).

Art. 9 Prescripcziuns dal Cussegl federal davart l'inducziun e la sfundrada da substanzas

¹ Il Cussegl federal fixescha las pretensiuns envers la qualitat da las auas sur e sut terra.

² El decretescha prescripcziuns:

- a. per inducir aua persa en las auas;
- b. per laschar sfundrar aua persa;
- c. davart substanzas che pon, tenor la moda ch'ellas veggan utilisadas, arrivar en las auas e che pon, pervia da lur caracteristicas u da lur quantitat duvrada, contaminar las auas u esser nuschaivlas per il manaschi da stabiliments d'aua persa.

³ In'dadmissiun da products fitosanitars e da products da biocid (pesticids) sto veginr examinada, sche:

- a. la limita da 0,1 µg/l per pesticids u per ses products da decumposiziun veggna surpassada repetidamain ed en moda extendida, en auas che servan al provediment d'aua da baiver u ch'en previsas per quest intent; u
- b. las limitas per pesticids giustifitgadas tras l'ecotoxicologia veggna surpassadas repetidamain ed en moda extendida, en auas da surfatscha.⁹

⁴ La nova decisiuon d'admissiun sto garantir che las limitas veggna observadas.¹⁰

⁵ Sch'i n'e betg pussaivel da cuntanscher cun cundiziuns d'utilisaziun che las limitas veggna observadas, sto veginr retratga l'admissiun dals pesticids correspondents u en cas da products fitosanitars l'approvaziun da la substanza activa.¹¹

⁶ Sch'il provediment dal pajais tras culturas agriculas impurtantias veggna restrenschi fermamain tras ina mesira tenor l'alinea 5, po il Cussegl federal desister per in temp limità da retrair l'admissiun u l'approvaziun.¹²

⁹ Integrà tras la cifra I 2 da la LF dals 19 da mars 2021 (midada da la Lescha davart las substanzas chemicas, da la Lescha davart la protecziun da las auas e da la Lescha d'agricultura), en vigur dapi il 1. da favr. 2023 (AS 2022 263; 2023 2; BBI 2020 6523, 6785).

¹⁰ Integrà tras la cifra I' 2 da la LF dals 19 da mars 2021 (midada da la Lescha davart las substanzas chemicas, da la Lescha davart la protecziun da las auas e da la Lescha d'agricultura), en vigur dapi il 1. da favr. 2023 (AS 2022 263; 2023 2; BBI 2020 6523, 6785).

¹¹ Integrà tras la cifra I 2 da la LF dals 19 da mars 2021 (midada da la Lescha davart las substanzas chemicas, da la Lescha davart la protecziun da las auas e da la Lescha d'agricultura), en vigur dapi il 1. da favr. 2023 (AS 2022 263; 2023 2; BBI 2020 6523, 6785).

¹² Integrà tras la cifra I' 2 da la LF dals 19 da mars 2021 (midada da la Lescha davart las substanzas chemicas, da la Lescha davart la protecziun da las auas e da la Lescha d'agricultura), en vigur dapi il 1. da favr. 2023 (AS 2022 263; 2023 2; BBI 2020 6523, 6785).

2. secziun

Tractament da l'aua persa e reutilisaziun dal ladim natural

Art. 10 Chanalisaziuns publicas e sereneras centralas

¹ Ils chantuns procuran per la construcziun da chanalisaziuns publicas e da stabiliments centrals per nettegiar l'aua persa smerdada:

- a. da zonas da construcziun;
- b. da gruppas d'edifizis existents ordaifer las zonas da construcziun, per las qualas las proceduras spezialas da l'allontanament da l'aua persa (art. 13) na porschan betg ina protecziun suffizienta da las auas u n'en betg economicas.

^{1bis} Els procuran per in manaschi economic da queste stabiliments¹³

² En territoris periferics u pauc populads è l'aua persa smerdada da tractar tras auters sistems che tras sereneras centralas, sche la protecziun da las auas sur e sut terra è garantida.

³ Sch'ina chanalisaziun privata po er servir ad intents publics, ha ella il medem status sco la chanalisaziun publica.

⁴ ...¹⁴

Art. 11 Obligaziun da colliaziun ed obligaziun da surpigliar l'aua persa

¹ En il sectur da chanalisaziuns publicas sto l'aua persa smerdada vegnir inducida en la chanalisaziun.

² Il sectur da las chanalisaziuns publicas cumpiglia:

- a. las zonas da construcziun;
- b. ulteriurs territoris, uschespert ch'ina chanalisaziun è vegnida construida per els (art. 10 al. 1 lit. b);
- c. ulteriurs territoris, en ils qualas la colliaziun cun ina chanalisaziun è adequata e raschunaivla.

³ Il possessur da la chanalisaziun è obligà da surpigliar l'aua persa e da la manar en la serenera centrala.

Art. 12 Cas speziali en il sectur da las chanalisaziuns publicas

¹ Tgi che vul inducir en la chanalisaziun aua persa che na correspunda betg a las pretensiuns envers l'inducziun, la sto tractar preliminarmain. Ils chantuns reglan il tractament preliminar.

² L'autoritatad chantunala decida davart l'allontanament adequat da l'aua persa che n'è betg adattada da vegnir tractada en ina serenera centrala.

¹³ Integrà tras la cifra I da la LF dals 20 da zer. 1997, en vigur dapi il 1. da nov. 1997 (AS 1997 2243; BBl 1996 IV 1217).

¹⁴ Aboli tras la cifra I da la LF dals 20 da zer. 1997, cun effect dapi il 1. da nov. 1997 (AS 1997 2243; BBl 1996 IV 1217).

³ L'aua persa nunsmerdada che resulta cuntuadomain na dastga vegnir inducida ni directamain ni indirectamain en ina serenera centrala. L'autoritat chantunala po permetter excepcziuns.

⁴ Sin in manaschi agricul cun in effectiv considerabel d'arments e da portgs dastga l'aua persa chasana vegnir reutilisada en l'agricultura ensem en la puschina (art. 14), sche:

- a. ils edifizis d'abitar e da manaschi ed il terren enturn chasa èn situads en la zona d'agricultura u la vischnanca prenda mesiras, en spezial cun fixar zonas da planisaziun, per attribuir ils edifizis ed il terren enturn chasa a la zona d'agricultura;
- b. la capacidat da magasinaziun basta er per l'aua persa chasana e sche la reutilisaziun sin l'atgna surfatscha utilisada u sin la surfatscha utilisada prendida a fittanza è garantida.

⁵ Sch'ils edifizis d'abitar e da manaschi ed il terren enturn chasa tenor l'alinea 4 na veggan betg attribuids a la zona d'agricultura entaifer 5 onns suenter che las mesiras èn veggidas decretadas, sto l'aua persa chasana vegnir inducida en la chanalisaziun.

Art. 13 Proceduras spezialas da l'allontanament da l'aua persa

¹ Ordaifer il sektur da las chanalisaziuns publicas sto l'aua persa vegnir allontanada tenor il stadi da la tecnica.

² Ils chantuns procuran che las pretensiuns envers la qualitat da las auas veggian observadas.

Art. 14 Manaschis che tegnan animals da niz

¹ Mintga manaschi che tegna animals da niz sto sa stentar da cuntanscher ina bilantscha equilibrada da ladim.

² Il ladim natiral sto veggir reutilisà en l'agricultura u en l'orticatura en moda ecologica e tenor il stadi da la tecnica.

³ Sin il manaschi ston esser avant maun per quest intent installaziuns da magasinaziun cun ina capacidat d'almain 3 mais. L'autoritat chantunala po dentant ordinar ina capacidat da magasinaziun pli gronda per manaschis en il territori da muntogna ubain per manaschis cun relaziuns climaticas disfavuraivlas u cun cundiziuns particularas en quai che reguarda la cultivaziun da plantas. Per stallas ch'èn occupadas cun animals mo durant in curt temp po ella permetter ina capacidat da magasinaziun pli pitschna.

⁴ Pro hectara surfatscha utilisada dastga vegnir sternì il ladim da maximalmain traïs envernantas da ladim. Sch'ina part dal ladim natiral che resulta sin il manaschi vegg duvrà ordaifer l'areal da cultivaziun usitò al lieu, dastgan vegnir tegnids mo tants animals da niz che almain la mesadad dal ladim natiral che resulta sin il manaschi po vegnir reutilisà sin l'atgna surfatscha utilisada u sin la surfatscha utilisada prendida a fittanza.¹⁵

¹⁵ Versiun tenor la cifra 6 da l'aggiunta da la LF dals 22 da mars 2013, en vigur dapi il 1. da schan. 2014 (AS 2013 3463 3863; BBI 2012 2075).

⁵ Manaschis che distribueschan ladim ston registrar mintga distribuziun en il sistem d'infurmazion tenor l'artitgel 165^f da la Lescha d'agricultura dals 29 d'avrigl 1998^{16,17}

⁶ L'autoritat chantunala reducescha il dumber d'envernantas da ladim admessas pro hectara, sche la contaminaziun dal terren, l'autezza sur mar e las relaziuns topograficas pretendan quai.

⁷ Il Cussegl federal po prevair excepziuns da las pretensiuns envers la surfatscha utilisada:

- a. per tegnair giaglinom e chavals sco er per manaschis existents pli pitschens e mesauns che tegnan auters animals da niz;
- b. per ils manaschis che adempleschan incumbensa en l'interess public (reciclati da rumenti, perscrutaziun e.u.v.).

⁸ Cun envernanta da ladim è manegiada la quantitat media annuala da puschina e da grascha che veggia producida d'ina vatga da 600 kg.

Art. 15 Construcziun e controlla da stabiliments e d'installaziuns¹⁸

¹ Ils possessurs da stabiliments d'aua persa, d'installaziuns da magasinaziun e da stabiliments per la preparaziun tecnica dal ladim natiral e dal material digerì liquid sco er da silos da pavel setg procuran che quests stabiliments veggian construïds, utilisads, tgirads e mantegnids adequatamain.¹⁹ Il funcziunament da stabiliments d'aua persa e da stabiliments per la preparaziun tecnica da ladim sto vegin controllà regularmain.

² L'autoritat chantunala procura che quests stabiliments veggian controllads periodicamain.

Art. 16 Prescripziuns dal Cussegl federal davart il tractament da l'aua persa e davart la controlla da stabiliments

Il Cussegl federal fixescha las pretensiuns envers:

- a. l'inducziun en chanalisaziuns;
- b. deviaziuns spezialas che derivan da process da producziun;
- c. la caracteristica, la reutilisaziun e l'allontanament da las restanzas che derivan da las sereneras;
- d. la controlla da stabiliments e d'installaziuns;
- e. la reutilisaziun d'aua persa che deriva da la preparaziun dal ladim natiral.

¹⁶ SR 910.1

¹⁷ Versiun tenor la cifra 6 da l'aggiunta da la LF dals 22 da mars 2013, en vigur dapi il 1. da schan. 2014 (AS 2013 3463 3863; BBI 2012 2075).

¹⁸ Versiun tenor la cifra 1 da la LF dals 24 da mars 2006, en vigur dapi il 1. da schan. 2007 (AS 2006 4287; BBI 2005 937).

¹⁹ Versiun tenor la cifra 6 da l'aggiunta da la LF dals 22 da mars 2013, en vigur dapi il 1. da schan. 2014 (AS 2013 3463 3863; BBI 2012 2075).

3. secziun

Premissas areguard l'allontanament da l'aua persa per survegnir permissiuns da construcziun

Art. 17 Princip

Permissiuns per construir u per midar edifizis dastgan mo vegnir dadas, sche:

- a. igl è garanti en il sectur da chanalisaziuns publicas che l'aua persa vegn inducida en la chanalisaziun (art. 11 al. 1) u reutilisada en l'agricultura (art. 12 al. 4);
- b. l'allontanament adequat da l'aua persa smerdada è garanti ordaifer il sectur da chanalisaziuns publicas tras proceduras spezialas (art. 13 al. 1); il post spezialisà chantunal per la protecziun da las auas sto vegnir consultà;
- c. igl è garanti che l'aua persa, che n'è betg adattada da vegnir tractada en ina serenera centrala, vegn allontanada en moda adequata (art. 12 al. 2).

Art. 18 Excepziuns

¹ Per edifizis e stabiliments pli pitschens che sa chattan en il sectur da chanalisaziuns publicas, ma che na pon betg anc vegnir colliads cun la chanalisaziun per motivs stringents, dastga la permissiun da construcziun vegnir concedida pir, cur che la collaziu è pussaivla a curta vista e sche l'aua persa vegn allontanada en il fratemps en in'autra moda cuntentaivla. Avant che l'autoritat dat la permissiun, consultescha ella il post spezialisà chantunal per la protecziun da las auas.

² Il Cussegli federal po precisar las premissas.

4. secziun Mesiras da protecziun en la planisaziun

Art. 19 Secturs da protecziun da las auas

¹ Ils chantuns dividan lur territori en secturs da protecziun da las auas tenor la pericitaziun da las auas sur e sut terra. Il Cussegli federal decretescha las prescripcziuns necessarias.

² En ils secturs spezialmain periclitads dovrì ina permissiun chantunala per construir e per midar edifizis e stabiliments sco er per far lavurs da stgavament, da moviment da terratsch e lavurs sumegliantas, sche quai pudess periclitlar las auas.²⁰

Art. 20 Zonas da protecziun da l'aua sutterrana

¹ Ils chantuns determineschan zonas da protecziun per las tschiffadas d'aua sutterrana e per ils stabiliments per concentrar aua sutterrana ch'en en l'interess public; els fixeschan las restricziuns necessarias da la proprietad.

²⁰ Versiun tenor la cifra I da la LF dals 24 da mars 2006, en vigur dapi il 1. da schan. 2007 (AS 2006 4287; BBI 2005 937).

² Ils possessurs da tschiffadas d'aua sutterrana ston:

- a. far las retschertgas necessarias per cunfinar las zonas da protecziun;
- b. acquistar ils dretgs reals necessaris;
- c. surpigliar eventualas indemnisiations per restricziuns da la proprietad.

Art. 21 Arealis da protecziun da l'aua sutterrana

¹ Ils chantuns determineschan areals ch'èn d'impurtaanza per utilisar e per concentrar en l'avegnir resursas d'aua sutterrana. Sin queste areals na dastgan vegnir construïds nagins edifizis e stabiliiments ed exequidas naginas lavurs che pudessan disturbar en l'avegnir ils stabiliiments per utilisar e per concentrar aua sutterrana.

² Ils chantuns pon adossar las indemnisiations per restricziuns da la proprietad als possessurs futurs da tschiffadas d'aua sutterrana e da stabiliiments per concentrar aua sutterrana.

5. secziun Tractament da liquids che periclitescchan las auas

Art. 22²¹ Pretensiuns generalas

¹ Ils possessurs da stabiliiments che cuntegنان liquids che periclitescchan las auas ston procurar che las ovras ed ils apparats necessaris per proteger las auas vegnian construïds, controllads regularmain sco er utilisads e tgirads en moda irreproschabla. Stabiliiments da magasinaziun ch'èn suttamess a l'obligaziun da dumandar ina permission (art. 19 al. 2) ston vegnir controllads almain mintga 10 onns; tut tenor la periclitaziun da las auas fixescha il Cussegl federal intervals da controlla per ulteriurs stabiliiments.

² En stabiliiments da magasinaziun e sin plazzas da transtgargiada stoi esser garanti che perditas da liquid vegnian impedidas, identifitgadas facilmain e retegnidas.

³ Stabiliiments che cuntegنان liquids che periclitescchan las auas dastgan vegnir construïds, midads, controllads, emplenids, tgirads, svidades e mess ord funcziun mo da persunas che garanteschan – sin basa da lur scolaziun, da lur equipament e da lur experientscha – ch'il stadi da la tecnica veginia observà.

⁴ Tgi che producescha parts da stabiliiments sto controllar che quellas correspondian al stadi da la tecnica e documentar ils resultats da la controlla.

⁵ Sche stabiliiments da magasinaziun che cuntegنان liquids che periclitescchan las auas vegnian construïds, midads u mess ord funcziun, ston ils possessurs dals stabiliiments annunziaz qui al chantun tenor las ordinaziuns chantunalas.

⁶ Sch'il possessor d'in stabiliiment che cuntegna liquids che periclitescchan las auas ubain sche las persunas che han l'incumbensa d'utilisar u da tgirar il stabiliiment constateschan ina perdita da liquid, annunzian els qui immediatamain a la polizia da

²¹ Versiun tenor la cifra I da la LF dals 24 da mars 2006, en vigur dapi il 1. da schan. 2007 (AS 2006 4287; BBI 2005 937).

protecziun da las auas. Els prendan da sai anor las mesiras che pon vegnir pretendidas dad els per impedir il privel da contaminar las auas.

⁷ Ils alineas 2–5 na valan betg per stabiliments che na pon betg periclitari las auas u che pon periclitari mo minimalmain las auas.

Art. 23²²

Art. 24 Reservuars da caverna

Liquids che pericleteschan las auas na dastgan betg vegnir deponids en reservuars da caverna sut terra, sch'els vegnan en contact direct cun l'aua sotterrana.

Art. 25 Substanzas che pon daventar liquids che pericleteschan las auas

Ils artitgels 22 e 24 valan tenor il senn per substanzas che pon daventar liquids che pericleteschan las auas, sch'ellas vegnan maschadadas cun liquids.

Art. 26²³

6. secziun Cultivaziun dal terren e mesiras a favur da las auas

Art. 27 Cultivaziun dal terren

¹ Ils terrens ston vegnir cultivads tenor il stadi da la tecnica uschia, che las auas na vegnan betg donnegiadas, en spezial betg tras il schlavament e l'erosiun da ladims e da meds per tractar plantas.

^{1bis} En la zona d'affluenza da las tschiffadas d'aua da baiver dastgan vegnir utilisads mo products fitosanitars che na chaschunan tras lur utilisaziun naginas concentraziuns da substanzas activas e da products da decumposiziun da pli che 0,1 µg/l en l'aua sotterrana.²⁴

² Il Cussegl federal po decretar las prescripcziuns necessarias.

Art. 28 Mesiras a favur da las auas

Sche las mesiras tenor ils artitgels 7–27 na bastan betg per ademplir las pretensiuns envers la qualitat da las auas (art. 9 al. 1), procura il chantun ch'i vegnian prendidas ulteriuras mesiras a favur da questas auas.

²² Aboli tras la cifra I da la LF dals 24 da mars 2006, cun effect dapi il 1. da schan. 2007 (AS 2006 4287; BBI 2005 937).

²³ Aboli tras la cifra I da la LF dals 24 da mars 2006, cun effect dapi il 1. da schan. 2007 (AS 2006 4287; BBI 2005 937).

²⁴ Integrà tras la cifra I 2 da la LF dals 19 da mars 2021 (midada da la Lescha davart las substanzas chemicas, da la Lescha davart la protecziun da las auas e da la Lescha d'agricultura), en vigur dapi il 1. da favr. 2023 (AS 2022 263; 2023 2; BBI 2020 6523, 6785).

2. chapitel Garanzia da quantitads d'aua restanta adequatas

Art. 29 Permissiun

Ina permissiun è necessaria per prelevar aua sur il diever ordinari ora:

- or d'ina aua currenta cun deflussiun permanenta;
- or da lais u or da resursas d'aua sutterrana che influeneschan fermamain la deflussiun d'ina aua currenta cun deflussiun permanenta.

Art. 30 Premissas per la permissiun

La prelevaziun po vegnir permessa sut las suandardas cundiziuns:

- las pretensiuns tenor ils artitgels 31–35 èn ademplidas;
- ensembo cun autres prelevaziuns vegnan prelevads d'ina aua currenta maximamain 20 pertschient da la quantitat da deflussiun Q_{347} e betg dapli che 1000 l/s; u
- per il provediment d'aua da baiver vegnan prelevads en la media annuala maximalmain 80 l/s d'ina funtauna e maximalmain 100 l/s da l'aua sutterrana.

Art. 31 Quantitat minimala d'aua restanta

¹ Tar prelevaziuns d'aua or d'auas currentas cun deflussiun permanenta sto la quantitat d'aua restanta importar almain:

fin ad ina quantitat da deflussiun Q_{347} da 60 l/s	50 l/s
e per mintga 10 l/s che questa quantitat è pli gronda	8 l/s
per ina quantitat da deflussiun Q_{347} da 160 l/s	130 l/s
e per mintga 10 l/s che questa quantitat è pli gronda	4,4 l/s dapli,
per ina quantitat da deflussiun Q_{347} da 500 l/s	280 l/s
e per mintga 100 l/s che questa quantitat è pli gronda	31 l/s dapli,
per ina quantitat da deflussiun Q_{347} da 2500 l/s	900 l/s
e per mintga 100 l/s che questa quantitat è pli gronda	21,3 l/s dapli,
per ina quantitat da deflussiun Q_{347} da 10 000 l/s	2 500 l/s
e per mintga 1000 l/s che questa quantitat è pli gronda	150 l/s dapli,
a partir d'ina quantitat da deflussiun Q_{347} da 60 000 l/s	10 000 l/s.

² La quantitat d'aua restanta calculada tenor l'alinea 1 sto vegnir augmentada, sche las suandardas pretensiuns n'en betg ademplidas e na pon betg vegnir ademplidas tras autres mesiras:

- la qualitat prescritta per las auas da surfatscha sto vegnir mantegnida malgrà la prelevaziun d'aua e malgrà inducziuns existentes d'aua persa;
- las resursas d'aua sutterrana ston vegnir alimentadas er vinavant uschia, che la producziun d'aua da baiver è pussaivla en la dimensiun necessaria e che la bilantscha d'aua da terrens utilisads da l'agricultura vegn disturbada mo minimalmain;

- c. ils biotops rars e las biocenosas raras che dependan directamain u indirectamain dal tip e da la grondezza da l'aua ston vegnir mantegnids u ston – sch'i na s'opponan nagins motivs stringents – vegnir remplazzads sche pussaivel tras biotops e tras biocenosas da medema valur;
- d. la profunditad da l'aua ch'è necessaria per ch'ils peschs possian migrar libramain sto vegnir garantida;
- e. en auas currentas cun ina quantitat da deflussiu Q_{347} fin a 40 l/s, ch'en situadas sut 800 m sur mar e che servan als peschs sco plazzas da fregar u sco lieus per trair si lur giuvens, ston questas funcziuns esser garantidas er vinavant.

Art. 32 Excepziuns

En ils sustants cas pon ils chantuns fixar quantitads minimalas d'aua restanta pli bassas:

- a.²⁵ sche la quantitat da deflussiu Q_{347} da l'aua è pli pitschna che 50 l/s: sin in traject da 1000 m sut il lieu da prelevaziun or d'ina aua ch'è situada sur 1700 m sur mar u or d'ina aua senza peschs ch'è situada tranter 1500 e 1700 m sur mar;
- b. en cas da prelevaziuns or d'auas senza peschs fin ad ina deflussiu d'aua restanta da 35 pertschient da la quantitat da deflussiu Q_{347} ;
- b^{bis}.²⁶ sin in traject da 1000 m sut il lieu da prelevaziun or da trajects d'aua cun in pitschen potenzial ecologic, uschenavant che las funcziuns natiralas da l'aua vegnan disturbadas mo minimalmain;
- c. en il rom d'ina planisaziun da protecziun e d'utilisaziun per in territori limità e topograficamain coerent, uschenavant ch'igl ha lieu ina cumpensaziun correspontenda en il medem territori tras mesiras adattadas, sco la renunzia ad autres prelevaziuns d'aua; la planisaziun da protecziun e d'utilisaziun sto vegnir approvada dal Cussegl federal;
- d. per prelevaziuns da durada limitada en cas d'urgenza, en spezial per il provediment d'aua da baiver, per stizzar sieu u per la sauaziun agricula.

Art. 33 Augment da la quantitat minimala d'aua restanta

¹ L'autoritat augmenta la quantitat minimala d'aua restanta en quella dimensiun che resulta sin basa d'ina consideraziun dals interess per e cunter la prelevaziun d'aua previsa.

² Interess per ina prelevaziun d'aua èn en spezial:

- a. ils interess publics, als quals la prelevaziun duai servir;

²⁵ Versiun tenor la cifra I da la LF dals 11 da dec. 2009 (renatiralisaziun), en vigur dapi il 1. da schan. 2011 (AS 2010 4285; BBI 2008 8043 8079).

²⁶ Integrà tras la cifra I da la LF dals 11 da dec. 2009 (renatiralisaziun), en vigur dapi il 1. da schan. 2011 (AS 2010 4285; BBI 2008 8043 8079).

- b. ils interess economics da la regiun danunder che l'aua deriva;
- c. ils interess economics da la persuna che vul prelevar l'aua;
- d. il provediment d'energia, sche l'aua duai vegnir prelevada per quest intent.

³ Interess cunter ina prelevaziun d'aua èn en spezial:

- a. l'impurtanza da l'aua sco element da la cuntrada;
- b. l'impurtanza da l'aua sco biotop per la fauna e la flora che dependan da l'aua, inclusiv lur ritgezza da las spezias, en spezial er per la fauna dals peschs, per il retgav da la pestga e per la reproducziun naturala dals peschs;
- c. il mantegniment d'ina deflussiun che basta per ademplir a lunga vista las pretensiuns envers la qualidad da las auas;
- d. il mantegniment d'ina bilantscha equilibrada da l'aua sutterrana che garante-scha la producziun futura d'aua da baiver, l'utilisaziun dal terren usitada al lieu ed ina vegetaziun confurm al lieu;
- e. la garanzia da la sauaziun agricula.

⁴ Tgi che vul prelevar aua, sto suttametter a l'autoritat in rapport:

- a. davart las consequenzas che prelevaziuns d'aua da differenta dimensiu han per ils interess a favur da la prelevaziun d'aua, en spezial per la producziun d'energia electrica e per ses custs;
- b. davart las restricziuns previsiblas dals interess cunter ina prelevaziun d'aua e davart las mesiras pussaivlas per impedir questas restricziuns.

Art. 34 Prelevaziuns d'aua or da lais ed or da resursas d'aua sutterrana

Sch'i vegn prelevà aua d'in lai u d'ina resursa d'aua sutterrana e sche quai influenze-scha fermamain la deflussiun d'ina aua currenta, sto l'aua currenta vegnir protegida confurm al senn tenor ils artitgels 31–33.

Art. 35 Decisiun da l'autoritat

¹ L'autoritat fixescha en il cas singul la quantitat d'aua da dotaziun e las autres mesiras ch'èn necessarias per proteger las auas sut il lieu da prelevaziun.

² Ella po fixar differentas quantitads d'aua da dotaziun per tscharts temps. La quantitat d'aua tenor ils artitgels 31 e 32 na dastga betg vegnir sutpassada.

³ Avant sia decisiun consultescha l'autoritat ils posts spezialisads interessads; en cas da prelevaziuns destinadas ad ovras idraulicas d'ina prestaziun brutta da passa 300 kW consultescha ella er la Confederaziun.

Art. 36 Controlla da la quantitat d'aua da dotaziun

¹ Tgi che preleva aua, sto cumprovar a l'autoritat cun agid da mesiraziuns ch'el mantegna la quantitat d'aua da dotaziun. Sch'ils custs n'èn betg raschunaivels, po el furnir la cumprova cun calcular la bilantscha d'aua.

² Sch'el cumprova che la quantitat d'aua affluenta è temporarmain pli pitschna che la quantitat d'aua da dotazion fixada, sto el restituir durant quest temp mo tanta aua da dotazion sco quai ch'igl affluescha.

3. chapitel

Impediment ed eliminaziun d'autras influenzas nuschaivlas sin las auas²⁷

Art. 36a²⁸ Spazi d'auas

¹ Suenter avair consultà ils circuls pertutgads fixeschan ils chantuns il basegn da spazi necessari per las auas sur terra (spazi d'auas) per garantir il suandard:

- a. las funcziuns natirralas da las auas;
- b. la protecziun cunter aua gronda;
- c. l'utilisaziun da las auas.

² Il Cussegl federal regla ils detagls.

³ Ils chantuns procuran ch'il spazi d'auas vegnia resguardà en la planisaziun directiva ed en la planisaziun d'utilisaziun e ch'el vegnia firmà e cultivà en moda extensiva. Il spazi d'auas na vala betg sco surfatscha cun culturas alternantas. Ina perdita da surfatschas cun culturas alternantas vegn cumpensada tenor las prescripcziuns da la planisaziun secturiala da la Confederazion confurm a l'artitgel 13 da la Lescha dals 22 da zercladur 1979²⁹ davart la planisaziun dal territori.

Art. 37 Construir rempars e curreger auas currentas

¹ Auas currentas dastgan mo vegnir messas en rempars u curregidias:

- a.³⁰ sche la protecziun d'umans e da valurs materialas considerablas pretenda quai (art. 3 al. 2 da la Lescha federala dals 21 da zercladur 1991³¹ davart la correccziun dals curs d'aua);
- b. sche quai è necessari per far navigabels curs d'aua u per utilisar las forzas idraulicas en l'interess public;
- b^{bis}.³² sche quai è necessari per endrizzar ina deponia che po vegnir endrizzada mo al lieu previs e sin la qualia i vegn deponì mo material da stgavament, da rumida e d'exchavaziun nunsmerdà;

²⁷ Oriundamain art. 37. Versiun tenor la cifra I da la LF dals 11 da dec. 2009 (renatiralsaziun), en vigur dapi il 1. da schan. 2011 (AS **2010** 4285; BBI **2008** 8043 8079).

²⁸ Integrà tras la cifra I da la LF dals 11 da dec. 2009 (renatiralsaziun), en vigur dapi il 1. da schan. 2011 (AS **2010** 4285; BBI **2008** 8043 8079).

²⁹ SR **700**

³⁰ Versiun tenor la cifra I da la LF dals 22 da mars 2013, en vigur dapi il 1. d'avust 2013 (AS **2013** 2339; BBI **2012** 9407 9415).

³¹ SR **721.100**

³² Integrà tras la cifra I da la LF dals 22 da mars 2013, en vigur dapi il 1. d'avust 2013 (AS **2013** 2339; BBI **2012** 9407 9415).

- c. sch'il stadi d'ina aua ch'è gia messa en rempars u curregida po vegnir meglierà en il senn da questa lescha.

² En il rom da questas intervenziuns sto il curs natural da l'aua sche pussaivel vegnir mantegnì u restabili. Las auas ed il spazi d'auas ston vegnir furmads uschia:³³

- a. ch'els pon servir sco biotops per ina fauna e flora multifara;
- b. che las interacziuns tranter las auas sur e sut terra veggan mantegnidias per gronda part;
- c. che la vegetazion da las rivas po sa sviluppar confurm al lieu.

³ En territoris surbajegiads po l'autoritat permetter excepcziuns da l'alinea 2.

⁴ Per stgaffir auas currentas artifizialas vala l'alinea 2 tenor il senn.

Art. 38 Cuvrir u chanalizar auas currentas

¹ Auas currentas na dastgan betg vegnir cuvridas u chanalizadas.

² L'autoritat po permetter excepcziuns per:

- a. chanals da stgargiada d'aua gronda e chanals da sauaziun;
- b. surpassadis dal traffic;
- c. surpassadis da las vias agriculas e forestalas;
- d. pitschens foss d'allontanament da l'aua cun deflussiun temporara;
- e. remplazzar cuvertas u chanals existents, premess ch'ina deflussiun averta na saja betg pussaivla u portia dischavantatgs considerabels per l'utilisaziun agricula.

Art. 38a³⁴ Revitalisaziun da las auas

¹ Ils chantuns procuran per la revitalisaziun da las auas. En quest connex resguardan els il niz per la natira e per la cuntrada sco er las consequenzas economicas che resultan da la revitalisaziun.

² Els planiseschan las revitalisaziuns e fixeschan in urari per realisar quellas. Els procuran che questa planisaziun vegnia resguardada en la planisaziun directiva ed en la planisaziun d'utilisaziun. Ina perdita da surfatschas cun culturas alternantas vegg cumpensada tenor las prescripcziuns da la planisaziun secturiala da la Confederaziun confurm a l'artitgel 13 da la Lescha dals 22 da zercladur 1979³⁵ davart la planisaziun dal territori.

³³ Versiun tenor la cifra I da la LF dals 11 da dec. 2009 (renatiralisaziun), en vigur dapi il 1. da schan. 2011 (AS 2010 4285; BBI 2008 8043 8079).

³⁴ Integrà tras la cifra I da la LF dals 11 da dec. 2009 (renatiralisaziun), en vigur dapi il 1. da schan. 2011 (AS 2010 4285; BBI 2008 8043 8079).

³⁵ SR 700

Art. 39 Deposit da substanzas solidas en ils lais

¹ Igl è scumandà da deponer substanzas solidas en ils lais, er sech'ellas na pon betg contaminar l'aua.

² L'autoritat chantunala po permetter mantunadas:

- a. per edifizis en territoris surbajegiads che na pon betg vegnir construids en in autre lieu, sche interess publics predominants pretendan ina mantunada e sche l'intent giavischà na po betg vegnir cuntanschi autramain;
- b. sche quai permetta da meglierar ina zona d'aua bassa.

³ Las mantunadas ston vegnir furmadas en moda uschè naturala sco pussaivel, e la vegetaziun da las rivas destruida sto vegnir remplazzada.

Art. 39a³⁶ Undadas e sbassamenti

¹ Midadas artifizialas andetgas da la deflussiun da l'aua (undadas e sbassamenti), che han consequenzas considerablas per la fauna e la flora indigena sco er per lur biotops, ston vegnir impeditas u eliminadas dals possessurs d'ovras idraulicas cun agid da mesiras architectonicas. Sin dumonda dal possessur d'ina ovra idraulica po l'autoritat er ordinar mesiras da manaschi empè da mesiras architectonicas.

² Las mesiras sa drizzan tenor:

- a. la grevezza da las consequenzas per l'aua;
- b. il potenzial ecologic da l'aua;
- c. la proporziunalidad dals custs;
- d. ils interess da la protecziun cunter aua gronda;
- e. las finamiras da la politica d'energia areguard la promozion da las energias regenerablas.

³ En l'intschess da l'aua pertutgada ston las mesiras vegnir coordinadas ina cun l'autra suenter avair consultà ils possessurs da las ovras idraulicas pertutgadas.

⁴ Ils batschigls da gulivaziun che vegnan construids applitgond l'alinea 1 dastgan vegnir utilisads per l'accumulaziun a pumpa, senza che la concessiun stoppia vegnir midada.

Art. 40 Derschentar e svidar zonas da retegnida

¹ Il possessur d'in stabiliment d'accumulaziun procura sche pussaivel che la fauna e la flora da l'aua sut il stabiliment na vegnian betg donnegiadas cun derschentar e cun svifar il stabiliment u cun controllar ils indrizs per laschar giu aua ed ils indrizs da stgargiada d'aua gronda.

² El dastga derschentar e svifar il stabiliment mo cun ina permissiun da l'autoritat chantunala. L'autoritat da permissiun consultescha ils posts spezialisads interessads.

³⁶ Integrà tras la cifra I da la LF dals 11 da dec. 2009 (renatralisazion), en vigur dapi il 1. da schan. 2011 (AS 2010 4285; BBl 2008 8043 8079).

Sch'i dovrà derschentadas e svidadas periodicas per mantegnair la segirezza dal manaschi, fixescha l'autoritat mo il termin e la moda da la realisaziun.

³ Sch'il possessor sto sbassar immediatamain il lai d'accumulaziun per motivs da segirezza en cas d'eveniments extraordinaris, orientescha el immediatamain l'autoritat da permissiun.

Art. 41 Material d'alluvius tar stabilitments d'accumulaziun

¹ Tgi che retegna in'aua, na dastga betg remetter en quella material d'alluvius ch'el ha prelevà da l'aua per motivs da manaschi. L'autoritat po permetter excepziuns.

² Il possessor dal stabilitment d'accumulaziun sto rimnar periodicamain il material d'alluvius en il sectur da ses stabilitments tenor las ordinaziuns da l'autoritat.

Art. 42 Prelevaziun ed inducziun d'aua u d'aua persa

¹ Sch'i vegn prelevà u induci aua tar in lai natiral, na dastgi dar naginas midadas essenzialas da la stratificaziun e dals currents en il lai ed er naginas midadas dal livel da l'aua che pudessan donnegiar il sectur da la riva.

² Tar in'aua currenta ston la moda ed il lieu da l'inducziun d'aua u d'aua persa vegnir tschernids uschia, ch'i na dovrà sche pussaivel nagins rempars e naginas correcziuns.

Art. 43 Mantegniment da resursas d'aua suterrana

¹ Ils chantuns procuran ch'i na vegnia betg prelevà a lunga vista dapli aua d'ina resursa d'aua suterrana che quai ch'igl affluescha. A curta vista dastga vegnir prelevà dapli aua, sche la qualitad da l'aua suterrana e la vegetaziun na vegnan betg donnegiadas.

² Sch'ina resursa d'aua suterrana è donnegiada pervia d'ina prelevaziun excessiva u pervia d'ina alimentaziun reducida, procura il chantun ch'il stadi vegnia meglièrò uschenavant sco pussaivel, saja quai tras la reducziun da la prelevaziun, tras ina concentraziun artifiziala u tras l'accumulaziun suterrana d'aua da baiver.

³ Resursas d'aua suterrana na dastgan betg vegnir colliadas permanentamain ina cun l'autra, sche la quantitat u la qualitad da l'aua suterrana pudess vegnir donnegiada qua tras.

⁴ Las construcziuns na dastgan betg restrenscher considerablamain e permanentamain il volumen d'accumulaziun ed il scul da resursas utilisablas d'aua suterrana.

⁵ Tar stabilitments d'accumulaziun da pitschna autezza dastgan l'aua suterrana e la vegetaziun che dependa dal livel da l'aua suterrana vegnir disturbadas mo minimal-maint. Per stabilitments existents po l'autoritat permetter excepziuns.

⁶ Sche l'allontanament da l'aua d'in territori chaschuna in sbassament dal livel da l'aua suterrana sin ina gronda surfatscha, è quest allontanament mo admissibel, sche l'utilisaziun agricula na po betg vegnir garantida autramain.

Art. 43a³⁷ Bilantscha da gera

¹ Stabiliments na dastgan betg midar la bilantscha da gera en l'aua uschia, che quai ha consequenzas considerablas per la fauna e la flora indigena, per lur biotops, per la bilantscha da l'aua sutterrana e per la protecziun cunter aua gronda. Ils possessurs dals stabiliments prendan mesiras adequatas en quest connex.

² Las mesiras sa drizzan tenor:

- a. la grevezza da las consequenzas per l'aua;
- b. il potenzial ecologic da l'aua;
- c. la proporziunalitat dals custs;
- d. ils interess da la protecziun cunter aua gronda;
- e. las finamiras da la politica d'energia areguard la promozion da las energias regenerablas.

³ En l'intschess da l'aua pertutgada ston las mesiras vegnir coordinadas ina cun l'autra suenter avair consultà ils possessurs dals stabiliments pertutgads.

Art. 44 Explotazion da gera, da sablun e d'auter material

¹ Tgi che vul explotar gera, sablun u auter material ubain far stgavaments preparatorics per quest intent dovrà ina permissiun.

² La permissiun per talas lavurs na dastga betg vegnir dada:

- a. en zonas da protecziun da l'aua sutterrana;
- b. sut il livel da l'aua sutterrana tar ina resursa d'aua sutterrana ch'è adattada quantitativamain u qualitativamain da vegnir explotada;
- c. en auas currentas, sche la bilantscha da gera vegn influenzada en moda negativa.

³ Tar ina resursa d'aua sutterrana ch'è adattada quantitativamain u qualitativamain da vegnir explotada po l'explotaziun vegnir permessa sur il livel da l'aua sutterrana, sch'ina stresa protectiva da material vegn laschada sur il livel maximal da l'aua sutterrana. La grossezza da questa stresa sto vegnir fixada tenor las relaziuns localas.

³⁷ Integrà tras la cifra I da la LF dals 11 da dec. 2009 (renatralisaziun), en vigur dapi il 1. da schan. 2011 (AS 2010 4285; BBl 2008 8043 8079).

3. titel

Execuziun, procuraziun da las premissas, finanziaziun, promozion e procedura³⁸

1. chapitel Execuziun

1. secziun Execuziun tras ils chantuns

Art. 45

Ils chantuns exequeschan questa lescha, nun che l'artigel 48 surdettia questa incumbensa a la Confederaziun. Els decreteschon las prescripziuns necessarias.

2. secziun Execuziun tras la Confederaziun

Art. 46 Surveglianza e coordinaziun

1 La Confederaziun surveglia l'execuziun da questa lescha.

2 Il Cussegl federal regla la coordinaziun:

- a. da las mesiras dals chantuns per la protecziun da las auas;
- b. tranter ils posts federrals;
- c. tranter ils posts federrals ed ils chantuns.

Art. 47 Prescripziuns executivas

1 Il Cussegl federal decretescha las prescripziuns executivas.

2 ...³⁹

Art. 48⁴⁰ Cumpetenzas executivas da la Confederaziun

1 L'autoritat federala che exequescha in'autra lescha federala u in contract internaziunal è cumpetenta – ademplind questa incumbensa – er per exequir la Lescha federala davart la protecziun da las auas. Avant che prender ina decisioin lascha ella vegnir a pled ils chantuns pertutgads. L'Uffizi federal d'ambient⁴¹ (uffizi federal)⁴² ed ils ulteriurs posts federrals coopereschon a l'execuziun tenor ils artitgels 62a e 62b da

³⁸ Versiun tenor la cifra I da la LF dals 20 da zer. 1997, en vigur dapi il 1. da nov. 1997 (AS 1997 2243; BBI 1996 IV 1217).

³⁹ Aboli tras l'art. 12 cifra 3 da la LF dals 18 da mars 2005 davart la procedura da consultaziun, cun effect dapi il 1. da sett. 2005 (AS 2005 4099; BBI 2004 533).

⁴⁰ Versiun tenor la cifra I 15 da la LF dals 18 da zer. 1999 davart la coordinaziun e la simplificaziun da las proceduras da decisioin, en vigur dapi il 1. da schan. 2000 (AS 1999 3071; BBI 1998 2591).

⁴¹ La designaziun da l'unitat administrativa è vegnida adattada applitgond l'art. 16 al. 3 da l'Ordinaziun dals 17 da nov. 2004 davart las publicaziuns uffizialas (AS 2004 4937).

⁴² Noziun tenor la cifra 5 da l'agituna da la LF dals 21 da mars 2003 davart la tecnica genetica, en vigur dapi il 1. da schan. 2004 (AS 2003 4803; BBI 2000 2391). Questa midada è resguardada en l'entir decret.

la Lescha federala dals 21 da mars 1997⁴³ davart l'organisaziun da la regenza e da l'administrazuun.

² Sche la procedura tenor l'alinea 1 n'è betg adattada per tschertas incumbensas, regla il Cussegl federal l'execuziun tras ils posts federais pertutgads.

³ La Confederaziun exequescha las prescripziuns davart substanzas (art. 9 al. 2 lit. c); ella po engaschar ils chantuns per tschertas incumbensas parzialas.

⁴ Il Cussegl federal fixescha tge indicaziuns davart substanzas, che veggan eruidas sin fundament d'autras leschas federalas, che ston veginr messas a disposiziun a l'uffizi federal.

3. secziun Disposiziuns spezialas davart l'execuziun

Art. 49 Posts spezialisads per la protecziun da las auas e polizia da protecziun da las auas

¹ Ils chantuns installeschan posts spezialisads per la protecziun da las auas. Els organiseschan la polizia da protecziun da las auas ed in servetsch cunter donns.

² L'uffizi federal è il post spezialisà per la protecziun da las auas da la Confederaziun.

³ La Confederaziun ed ils chantuns pon engaschar corporaziuns da dretg public e persunas privatas per l'execuziun, en spezial per la controlla e per la surveglianza.

Art. 50⁴⁴ Infurmazion e cussegliazion

¹ La Confederaziun ed ils chantuns examineschan ils effects da las mesiras prendidas sin basa da questa lescha ed infurmescchan la publicitat davart la protecziun da las auas e davart il stadi da las auas, en spezial:

- a. publitgeschan els las retschertgas davart il success da las mesiras prendidas sin basa da questa lescha;
- b. pon els publitgar ils resultats da las retschertgas e da las controllas en las auas privatas e publicas (art. 52) suenter avair consultà las persunas pertutgadas, sche quai è d'in interess general.

² Resalvads restan interess privats e publics predominants da mantegnair il secret; il secret da fabricaziun e da fatschenta resta en mintga cas garanti.

³ Ils posts spezialisads per la protecziun da las auas cussegliant autoritads e persunas privatas. Els recumondan mesiras per impedir e per sminuir influenzas nuschaivlas sin las auas.

⁴³ SR 172.010

⁴⁴ Versiun tenor l'art. 2 cifra 2 dal COF dals 27 da sett. 2013 (Convenziun d'Aarhus), en vigur dapi il 1. da zer. 2014 (AS 2014 1021; BBI 2012 4323).

Art. 51 Cussegliaziu en dumondas da ladim

Per exequir ils artitgels 14 e 27 procuran ils chantuns ch'i vegnia endrizzada ina cussegliaziu.

Art. 52 Obligaziun da tolerar ed obligaziun da discreziun

1 Las autoritads federalas e chantunalas pon far retschertgas en las auas privatas e publicas. Ellas pon far las installaziuns necessarias e controllar ils stabiliments. Ils proprietaris dals bains immobigliars ed ils possessurs dals stabiliments ston permetter l'access a las personas incumbensadas e las dar las infurmaziuns necessarias.

2 Las personas ch'èn incumbensadas cun l'execuziun da questa lescha sco er ils experts ed ils commembers da cumissiuns e da comités spezialisads suttastattan al secret d'uffizi.

3 ...⁴⁵

Art. 53 Mesiras da sforz

Las autoritads pon far valair per forza las mesiras ch'ellas han ordinà. Sch'il dretg chantunal na cuntegna naginas prescripzions u naginas prescripzions pli severas, è applitgabel en la procedura chantunala l'artitgel 41 da la Lescha federala dals 20 da december 1968⁴⁶ davart la procedura administrativa.

Art. 54 Custs per mesiras da segirezza e da reparaziun

Ils custs da las mesiras che las autoritads prendan per prevegnir ad in privel che smannatscha directamain per las auas sco er per constatar e per reparar in donn vegnan mess a quint al chaschunader.

Art. 55 Taxes da la Confederaziun

1 La Confederaziun incassescha ina taxa per sias permissiuns e controllas sco er per ses servetschs spezialis tenor questa lescha.

2 Il Cussegl federal fixescha las tariffas.

Art. 56 Auas interchantunala

1 Sch'ina aua sur u sut terra concerna il territori da plirs chantuns, sto mintga chantun prender las mesiras ch'èn necessarias per proteger questa aua e ch'èn en l'interess dals auters chantuns.

2 Sch'ils chantuns na pon betg sa cunvegnir areguard las mesiras, decida il Cussegl federal.

⁴⁵ Aboli tras l'art. 2 cifra 2 dal COF dals 27 da sett. 2013 (Convenziun d'Aarhus), cun effect dapi il 1. da zer. 2014 (AS 2014 1021; BBl 2012 4323).

⁴⁶ SR 172.021

2. chapitel Procuraziun da las premissas

Art. 57 Incumbensas da la Confederaziun

¹ La Confederaziun fa retschertgas d'interess naziunal davart:

- a. las relaziuns idrologicas;
- b. la qualitat da las auas sur e sut terra;
- c. il provediment d'aua da baiver;
- d. auters aspects da la protecziun da las auas.

² Ella po sa participar finanzialmain al svilup da stabiliments e da proceduras che gidan ad augmentar il stadi da la tecnica en l'interess general da la protecziun da las auas, en spezial cun mesiras a la funtauna.

³ Ella metta a disposizion ils resultats e l'evaluaziun da las retschertgas a persunas interessadas.

⁴ Il Cussegħi federal regla la realisaziun da las retschertgas e las evaluaziuns.

⁵ Ils posts federałi decreteschan directivas tecnicas e cussegljan ils posts da retschertga. Cunter quāt pon els far lavurs idrologicas per auters posts u metter a disposizion lur apparats per talas lavurs.

Art. 58 Incumbensas dals chantuns

¹ Ils chantuns fan las ulteriuras retschertgas ch'èn necessarias per exequir questa lescha. Els communitgeschan lur resultats als posts federałi.

² Ils chantuns fan in inventari davart ils stabiliments dal provediment d'aua e davart las resursas d'aua sutterrana sin lur territori. L'inventari ē public, nun che interess da la defensiun generala pretendian il secret.

Art. 59 Eruir la quantitad da deflussiu Q₃₄₇

Sch'i mancan resultats suffizjenti per eruir la quantitad da deflussiu Q₃₄₇ d'ina aua, vegni fatg diever d'autras metodas sco observaziuns idrologicas e calculaziuns da model.

Art. 60 Obligaziun da l'autoritat d'infurmār

Avant ch'ina autoritat permetta ina intervenziun che po avair effects sin in'aua en la vischinanza d'in indriz per retschertgas idrologicas u per autras retschertgas, sto ella infurmār il post ch'è cumpetent per l'indriz.

3. chapitel⁴⁷ Finanzaziun

Art. 60a Taxas chantunalas sin auas persas⁴⁸

¹ Ils chantuns procuran ch'ils custs per la construcziun, per la gestiun, per il manteigniment, per la sanaziun e per la substituziun da stabiliments d'aua persa che servan ad intents publics vegnian mess a quind als chaschunaders tras taxas u tras autres taglias. Concepind las taxas vegnan resguardads spezialmain:

- a. il gener e la quantitat da l'aua persa chaschunada;
- b. las amortisaziuns ch'en necessarias per mantegnair la substanza dals stabiliments;
- c. ils tschains;
- d. il basegn d'investiziun ch'e planisà per las lavurs da mantegniment, da sanaziun e da substituziun sco er per las adattaziuns a las pretensiuns legalas e per las optimaziuns dal manaschi.

² Sche taxas che cuvran ils custs e che correspundan al princip dal chaschunader periclitassan l'allontanament ecologic da l'aua persa, po quel vegnir finanzià en in'autra moda e maniera uschenavant che quai è necessari.

³ Ils possessurs dals stabiliments d'aua persa ston far las retenziuns necessarias.

⁴ La basa per calcular las taxas è accessibla publicamain.

Art. 60b⁴⁹ Taxa federala sin auas persas

¹ Dals possessurs da sereneras centralas incassescha la Confederaziun ina taxa per finanziar l'indemnisaziun da mesiras per eliminar microsubstanzas organicas tenor l'artitgel 61a, inclusiv ils custs d'execuziun da la Confederaziun.

² Possessurs da sereneras centralas che han prendi mesiras tenor l'artitgel 61a e che han inoltrà fin ils 30 da settember d'in onn chalendar il quint final correspondent davart las investiziuns fatgas, èn dispensads da l'obligaziun da pajar la taxa a partir dal onn chalendar suendant.

³ L'autezza da la taxa sa drizza tenor il dumber d'abitants ch'en colliads cun la senerima. La tariffa da la taxa importa annualmain maximalmain 9 francs per abitant.

⁴ Il Cussegl federal fixescha la tariffa da la taxa sin basa dals custs previsibels e regla la procedura per incassar la taxa. La taxa scroda il pli tard ils 31 da decembre 2040.

⁵ Ils possessurs da las sereneras adossechan la taxa als chaschunaders.

⁴⁷ Integrà tras la cifra I da la LF dals 20 da zer. 1997, en vigur dapi il 1. da nov. 1997 (AS 1997 2243; BBI 1996 IV 1217).

⁴⁸ Integrà tras la cifra I da la LF dals 21 da mars 2014, en vigur dapi il 1. da schan. 2016 (AS 2014 3327; BBI 2013 5549).

⁴⁹ Integrà tras la cifra I da la LF dals 21 da mars 2014, en vigur dapi il 1. da schan. 2016 (AS 2014 3327; BBI 2013 5549).

4. chapitel⁵⁰ Promozion

Art. 61⁵¹ Eliminaziun da nitrogen en stabiliiments d'aua persa⁵²

¹ La Confederaziun conceda als chantuns en il rom dals credits deliberads e sin basa da las cunvegnes da program indemnisiations globalas per construir e per acquistar:

- a. stabiliiments ed indrizs per eliminar nitrogen en sereneras centralas, sch'els servan ad ademplir cunvegnes internaziunalas u conclus d'organisaziuns internaziunalas che han l'intent da tegnair net las auas ordaifer la Svizra;
- b. channelisaziuns che vegnan construidas empè da stabiliiments e d'indrizs tenor la litera a.

² L'import da las indemnisiations sa drizza tenor la quantitat da nitrogen che veggan eliminada cun las mesiras tenor l'alinea 1.

Art. 61a⁵³ Eliminaziun da microsubstanzas organicas en stabiliiments d'aua persa

¹ La Confederaziun conceda als chantuns en il rom dals credits deliberads e dals medis finanziars disponibels indemnisiations per construir e per acquistar:

- a. stabiliiments ed indrizs per eliminar microsubstanzas organicas en sereneras centralas, sch'els èn necessaris per observar las prescripcziuns davart l'inducziun d'aua persa en las auas;
- b. channelisaziuns che vegnan construidas empè da stabiliiments e d'indrizs tenor la litera a.

² Las indemnisiations vegnan concedidas, sche la construcziun u l'acquist dals stabiliiments, dals indrizs u da las channelisaziuns èn vegnids iniциiads suenter il 1. da schaner 2012 ed entaifer 20 onns suenter l'entrada en vigur da la midada dals 21 da mars 2014 da questa lescha.

³ Las indemnisiations importan 75 pertschient dals custs imputabels.

Art. 62⁵⁴ Stabiliiments per dismetter rumenti

¹ La Confederaziun indemnisescha ils chantuns en il rom dals credits deliberads per construir ed acquistar stabiliiments ed indrizs per dismetter rumenti speziali, sche questi stabiliiments ed indrizs èn d'interess naziunal.

⁵⁰ Oriundamain 3. chapitel

⁵¹ Versiun tenor la cifra II 23 da la LF dals 6 d'oct. 2006 davart la refurma da la gulinaziun da finanzas e da la repartiziun da las incumbensas tranter la Confederaziun ed ils chantuns (NGF), en vigur dapi il 1. da schan. 2008 (AS **2007** 5779; BBI **2005** 6029).

⁵² Versiun tenor la cifra I da la LF dals 21 da mars 2014, en vigur dapi il 1. da schan. 2016 (AS **2014** 3327; BBI **2013** 5549).

⁵³ Integrà tras la cifra I da la LF dals 21 da mars 2014, en vigur dapi il 1. da schan. 2016 (AS **2014** 3327; BBI **2013** 5549).

⁵⁴ Versiun tenor la cifra I da la LF dals 20 da zer. 1997, en vigur dapi il 1. da nov. 1997 (AS **1997** 2243; BBI **1996** IV 1217). Guardar er la disp. fin. da questa midada a la fin da questa lescha.

² Ella indemnisescha ils chantuns finanzialmain debels e mez fermes en il rom dals credits deliberads per construir ed acquistar stabiliments ed indrizs per tractar u per utilisar rumentos chasans, sche la decisiun da l'emprima instanza davart la construcziun dal stabiliment è veginida prendida avant il 1. da november 1997. En cas da basegn po il Cussegl federal prolongar il termin fin maximalmain ils 31 d'octobre 1999 per quellas regiuns che na disponan anc betg da las capacitads necessarias.

^{2bis} Il dretg da survegnir contribuziuns federalas tenor l'alinea 2 vegn mantegni, sche:

- a. la decisiun da l'emprima instanza davart la construcziun d'in stabiliment è veginida prendida entaifer il termin prolongà;
- b. i sto vegnir permess in nov stabiliment per motivs tecnicos che na pon betg vegnir adossads al chantun;
- c. la nova decisiun da l'emprima instanza è veginida prendida avant il 1. da november 2005;
- d. las lavurs da construcziun han cumenzà avant il 1. da november 2006.⁵⁵

³ ...⁵⁶

⁴ Las indemnisiuziuns importan:

- a. 25 pertschient dals custs imputabels per stabiliments ed indrizs tenor ils alineas 1 e 2;
- b.⁵⁷ ...

Art. 62a⁵⁸ Mesiras da l'agricultura

¹ En il rom dals credits deliberads indemnisescha la Confederaziun mesiras da l'agricultura per impedir il schlavament e l'erosiun da substanzas, sche:

- a. las mesiras èn necessarias per ademplir las pretensiuns envers la qualitat da las auas sur e sut terra;
- b. il chantun pertutgà ha designà ils territoris, nua ch'igl èn necessarias las mesiras previsas, las qualas el ha accordà ina cun l'autra;
- c. las mesiras n'èn economicamain betg supportablas.

⁵⁵ Integrà tras la cifra I da la LF dals 8 d'oct. 2004, en vigur dapi il 1. d'oct. 2006 (AS 2006 3859; BBI 2003 8025 8043).

⁵⁶ Aboli tras la cifra II 33 da la LF dals 20 da mars 2008 davart la rectificaziun formala dal dretg federal, cun effect dapi il 1. d'avust 2008 (AS 2008 3437; BBI 2007 6121).

⁵⁷ Aboli tras la cifra II 33 da la LF dals 20 da mars 2008 davart la rectificaziun formala dal dretg federal, cun effect dapi il 1. d'avust 2008 (AS 2008 3437; BBI 2007 6121).

⁵⁸ Integrà tras la cifra 6 da l'aggiunta da la Lescha d'agricultura dals 29 d'avr. 1998, en vigur dapi il 1. da schan. 1999 (AS 1998 3033; BBI 1996 IV 1).

² L'import da las indemnisiations sa drizza tenor las caracteristicas e tenor la quantitat da las substanzas, da las qualas vegn impedì il schlavament e l'erosiun, sco er tenor ils custs da las mesiras che na vegnan betg indemnisisadas tras contribuziuns tenor la Lescha d'agricultura dals 29 d'avrigl 1998⁵⁹ u tenor la Lescha federala dal 1. da fanadur 1966⁶⁰ davart la protecziun da la natira e da la patria.⁶¹

³ ...⁶²

⁴ L'Uffizi federal d'agricultura conceda las indemnisiations sco contribuziuns globalas sin basa da cunvegas da program che vegnan fatgas cun ils chantuns per mintga territori, nua ch'igl èn necessarias mesiras. Per giuditgar, sch'ils programs garante-schan ina protecziun adequata da las auas, consultescha el l'Uffizi federal d'ambient. Ils chantuns repartan las indemnisiations als singuls posts che han il dretg da survegnir talas.⁶³

Art. 62⁶⁴ Revitalisaziun da las auas

¹ En il rom dals credits deliberads e sin basa da las cunvegas da program conceda la Confederazиun als chantuns indemnisiations sco contribuziuns globalas per planisar e per realisar mesiras per revitalisar auas.

² Per projects che chaschunan spezialmain gronds custs pon vegnir concedidas indemnisiations da cas a cas als chantuns.

³ L'import da las indemnisiations sa drizza tenor l'importanza da las mesiras per restabilir las funcziuns naturalas da las auas sco er tenor l'efficacitad da las mesiras.

⁴ Sch'il possessor è obligà da renatralisar in stabiliment, na survegn el naginas contribuziuns.

⁵ Ils cultivaturs dal spazi d'auas vegnan indemnisisads tenor la Lescha d'agricultura dals 29 d'avrigl 1998⁶⁵ per l'utilisaziun extensiva da lur surfatschas. Il preventiv d'agricultura sco er il rom da pajament correspondent vegnan auzads per quest intent.

⁵⁹ SR 910.1

⁶⁰ SR 451

⁶¹ Versiun tenor la cifra II 23 da la LF dals 6 d'oct. 2006 davart la refurma da la gulivaziun da finanzas e da la repartiziun da las incumbensas trantre la Confederazиun ed ils chantuns (NGF), en vigur dapi il 1. da schan. 2008 (AS 2007 5779; BBl 2005 6029).

⁶² Aboli tras la cifra II 23 da la LF dals 6 d'oct. 2006 davart la refurma da la gulivaziun da finanzas e da la repartiziun da las incumbensas trantre la Confederazиun ed ils chantuns (NGF), cun effect dapi il 1. da schan. 2008 (AS 2007 5779; BBl 2005 6029).

⁶³ Versiun tenor la cifra II 23 da la LF dals 6 d'oct. 2006 davart la refurma da la gulivaziun da finanzas e da la repartiziun da las incumbensas trantre la Confederazиun ed ils chantuns (NGF), en vigur dapi il 1. da schan. 2008 (AS 2007 5779; BBl 2005 6029).

⁶⁴ Integrà tras la cifra I da la LF dals 11 da dec. 2009 (renatralisaziun), en vigur dapi il 1. da schan. 2011 (AS 2010 4285; BBl 2008 8043 8079).

⁶⁵ SR 910.1

Art. 62^c⁶⁶ Planisaziun da la sanaziun en cas da midadas da la deflussiun da l'aua e da la bilantscha da gera

¹ En il rom dals credits deliberads conceda la Confederaziun als chantuns indemnisiuns a la planisaziun tenor l'artitgel 83b, sche quella è veginida inoltrada a la Confederaziun fin ils 31 da december 2014.

² Las indemnisiuns importan 35 pertschient dals custs imputabels.

Art. 63^d⁶⁷ Premissas generalas per survegnir las indemnisiuns

Las indemnisiuns veginan pajadas mo, sche la soluziun previsa sa basa sin ina planisaziun cunvegnenta, garantescha ina protecziun adequata da las auas, correspunda al stadi da la tecnica ed è economica.

Art. 64 Procuraziun da las premissas, scolaziu ed infurmaziun

¹ En il rom dals credits deliberads po la Confederaziun pajar als chantuns indemnisiuns per eruir ils motifs da la qualitat insuffizienta d'ina aua impurtanta en vista a las mesiras da sanaziun.⁶⁸

² Ella po conceder agids finanzials per la scolazion e per la furmaziun supplementara dal persunal spezialisà e per l'infurmaziun da la populaziun.⁶⁹

³ En il rom dals credits deliberads po ella sustegnair l'elavuraziun d'inventaris chantunals davart ils stabiliments dal provediment d'aua e davart las resursas d'aua sotterrana tras indemnisiuns sco er tras atgnas lavurs, sche:

- a. queste inventaris veginan fatgs tenor las directivas federalas;
- b. las dumondas èn vegnididas inoltradas avant il 1. da november 2010.⁷⁰

⁴ Las prestaziuns da la Confederaziun importan maximalmain 40 pertschient dals custs.⁷¹

⁶⁶ Integrà tras la cifra I da la LF dals 11 da dec. 2009 (renatiralisaziun), en vigur dapi il 1. da schan. 2011 (AS **2010** 4285; BBI **2008** 8043 8079).

⁶⁷ Versiun tenor la cifra I da la LF dals 20 da zer. 1997, en vigur dapi il 1. da nov. 1997 (AS **1997** 2243; BBI **1996** IV 1217).

⁶⁸ Versiun tenor la cifra II 23 da la LF dals 6 d'oct. 2006 davart la refurma da la gulivaziun da finanzas e da la repartiziun da las incumbensas tranter la Confederaziun ed ils chantuns (NGF), en vigur dapi il 1. da schan. 2008 (AS **2007** 5779; BBI **2005** 6029).

⁶⁹ Versiun tenor la cifra 32 da l'agiunta da la LF dals 20 da zer. 2014 davart il perfecziunament, en vigur dapi il 1. da schan. 2017 (AS **2016** 689; BBI **2013** 3729).

⁷⁰ Versiun tenor la cifra II 23 da la LF dals 6 d'oct. 2006 davart la refurma da la gulivaziun da finanzas e da la repartiziun da las incumbensas tranter la Confederaziun ed ils chantuns (NGF), en vigur dapi il 1. da schan. 2008 (AS **2007** 5779; BBI **2005** 6029).

⁷¹ Versiun tenor la cifra I da la LF dals 20 da zer. 1997, en vigur dapi il 1. da nov. 1997 (AS **1997** 2243; BBI **1996** IV 1217).

Art. 64⁷² Garanzia cunter las ristgas

La Confederaziun po surpigliar ina garanzia cunter las ristgas tar stabiliments ed indrizs novs che permettan success. La garanzia na dastga betg surpassar 60 per-tschient dals custs imputabels.

Art. 65⁷³ Finanziaziun

¹ L'Assamblea federala permetta cun in conclus federal simpel in credit d'impegn⁷⁴ da durada limitada per la garanzia da contribuziuns.⁷⁵

² Cun in conclus federal simpel permetta ella mintgamai per 4 onns ils meds finanzials per pajar las indemnisiaziuns ch'en vegnidas garantidas da princip applitgond l'artitgel 13 alinea 6 da la Lescha da subvenziuns dals 5 d'october 1990⁷⁶.

³ Cun in credit d'impegn da plirs onns permetta ella l'import maximal fin al qual la Confederaziun dastga surpigliar garanzias cunter las ristgas tenor l'artitgel 64a.

Art. 66 Restituziun

¹ Prestaziuns da la Confederaziun ch'en vegnidas retratgas nungiustifitgadomain ston vegnir restituidas. Quai vala er, sch'in stabiliment u in indriz vegen utilisà per in auter intent che quel previs.

² Ils dretgs da la Confederaziun suranneschan entaifer 3 onns, suenter ch'ella ha sur-vegni enconuschienschaftscha dal dretg, en mintga cas dentant 10 onns suenter ch'il dretg è sa constitui.⁷⁷

³ Sch'il retschavider ha commess in malfatg tras ses cumpertament, surannescha il dretg da restituziun il pli baud cun l'entrada da la surannaziun da la persecuziun penala. Sche la surannaziun da la persecuziun penala n'entra betg pli en consequenza d'ina sentenzia penala da l'emprima instanza, surannescha il dretg il pli baud 3 onns suenter la communicazion da la sentenzia.⁷⁸

⁷² Integrà tras la cifra I da la LF dals 20 da zer. 1997, en vigur dapi il 1. da nov. 1997 (AS **1997** 2243; BBI **1996** IV 1217).

⁷³ Versiun tenor la cifra I da la LF dals 20 da zer. 1997, en vigur dapi il 1. da nov. 1997 (AS **1997** 2243; BBI **1996** IV 1217).

⁷⁴ Expressiun tenor la cifra 8 da l'agiunta da la LF dals 19 da mars 2021, en vigur dapi il 1. da schan. 2022 (AS **2021** 662; BBI **2020** 349).

⁷⁵ Versiun tenor la cifra II 23 da la LF dals 6 d'oct. 2006 davart la nova concepziun da la gulivaziun da finanzas e da la repartiziun da las incumbensas tranter la Confederaziun ed ihs chantuns (NGF), en vigur dapi il 1. da schan. 2008 (AS **2007** 5779; BBI **2005** 6029).

⁷⁶ **SR 616.1**

⁷⁷ Versiun tenor la cifra 18 da l'agiunta da la LF dals 15 da zer. 2018 (revisiun dal dretg da surannaziun), en vigur dapi il 1. da schan. 2020 (AS **2018** 5343; BBI **2014** 235).

⁷⁸ Integrà tras la cifra 18 da l'agiunta da la LF dals 15 da zer. 2018 (revisiun dal dretg da surannaziun), en vigur dapi il 1. da schan. 2020 (AS **2018** 5343; BBI **2014** 235).

5. chapitel⁷⁹ Procedura

Art. 67⁸⁰ Giurisdicziun

La procedura da recurs sa drizza tenor las disposiziuns generalas da la giurisdicziun federala.

Art. 67a⁸¹ Dretg da recurs da las autoritads

¹ L'uffizi federal è autorisà da far valair ils medis legals dal dretg federal e chantunal cunter disposiziuns da las autoritads chantunala applitgond questa lescha e sias disposiziuns executivas.

² ...⁸²

Art. 68⁸³ Regruppament dal terren, expropriaziun e possess

¹ Sche l'execuziun da questa lescha pretenda quai e sche l'acquist direct n'è betg pussaivel, pon ils chantuns ordinar il regruppament dal terren. La Confederaziun ed ils chantuns pon acquistar ils dretgs necessaris en la procedura d'expropriaziun. Els pon surdar questa cumpetenza a terzas persunas.

² La procedura d'expropriaziun vegn applitgada pir, cur che las stentas per in acquist direct u per in regruppament dal terren na cuntanschan betg las finamiras.

³ En lur prescripziuns executivas pon ils chantuns declarar che la Lescha federala dals 20 da zercladur 1930⁸⁴ davart l'expropriaziun saja applitgabla. Els prevesan che la regenza chantunala decidia davart protestas ch'en anc disptaivlas.⁸⁵

⁴ Per ovras ch'en situadas sin il territori da plirs chantuns vegn applitgà il dretg federal d'expropriaziun. Il Departament federal per ambient, traffic, energia e communicaziun decida davart l'expropriaziun.

⁵ Las surfatschas dal spazi d'auas che vegnan utilisadas restan sche pussaivel en possess dals purs. Ellas valan sco surfatschas per promover la biodiversitat.⁸⁶

⁷⁹ Oriundamain 4. chapitel

⁸⁰ Versiun tenor la cifra 92 da l'aggiunta da la LF dals 17 da zer. 2005 davart il TAF, en vigur dapi il 1. da schan. 2007 (AS **2006** 2197; BBI **2001** 4202).

⁸¹ Integrà tras la cifra I 15 da la LF dals 18 da zer. 1999 davart la coordinaziun e la simplificaziun da las proceduras da decisum, en vigur dapi il 1. da schan. 2000 (AS **1999** 3071; BBI **1998** 2591).

⁸² Aboli tras la cifra 92 da l'aggiunta da la LF dals 17 da zer. 2005 davart il TAF, cun effect dapi il 1. da schan. 2007 (AS **2006** 2197; BBI **2001** 4202).

⁸³ Versiun tenor la cifra I da la LF dals 11 da dec. 2009 (renatralisaziun), en vigur dapi il 1. da schan. 2011 (AS **2010** 4285; BBI **2008** 8043 8079).

⁸⁴ SR **711**

⁸⁵ Versiun tenor la cifra 18 da l'aggiunta da la LF dals 19 da zer. 2020, en vigur dapi il 1. da schan. 2021 (AS **2020** 4085; BBI **2018** 4713).

⁸⁶ Versiun tenor la cifra 6 da l'aggiunta da la LF dals 22 da mars 2013, en vigur dapi il 1. da schan. 2014 (AS **2013** 3463 3863; BBI **2012** 2075).

4. titel ...**Art. 69⁸⁷****5. titel** **Disposiziuns penales****Art. 70** Delicts

¹ Cun in chasti da detenziun da fin a 3 onns u cun in chasti pecuniar vegn chastià, tgi che fa intenziunadamat il suandard:⁸⁸

- a. inducescha en moda illegala directamain u indirectamain substanzas che pon contaminar las auas, las lascha sfundrar u las depona u sterna ordaifer in'aua e stgaffescha uschia il privel da contaminar l'aua (art. 6);
- b. sco possessur da stabilitments che cuntegnan liquids che pericleteschan las auas na construescha betg u na tegna betg en funcziun las ovras ed ils apparats ch'en necessaris tenor questa lescha e contaminescha uschia l'aua u stgaffescha uschia il privel per ina contaminaziun (art. 22);
- c. n'observa betg las quantitads d'aua da dotazion fixadas da las autoritads u na prenda betg las mesiras ordinadas per proteger l'aua sut il lieu da prelevaziun (art. 35);
- d. construescha rempars u curregia illegalmain in'aua currenta (art. 37);
- e. cuvra u chanalisescha auas currentas senza permissiun u contrari a las cundiziuns d'ina permissiun concedida (art. 38);
- f. depona substanzas solidas en in lai senza permissiun da l'autoridad chantunala u contrari a las cundiziuns d'ina permissiun concedida (art. 39 al. 2);
- g. explotescha gera, sablun u autre material senza permissiun u contrari a las cundiziuns d'ina permissiun concedida ubain fa stgavaments preparatorics per quest intent (art. 44).

² Sch'il delinquent agescha per negligentscha, vegn el chastià cun in chasti pecuniar fin a 180 taxas per di.⁸⁹

⁸⁷ Aboli tras la cifra 2 da l'aggiunta da la LF dals 21 da dec. 1995, cun effect dapi il 1. da fan. 1997 (AS **1997** 1155; BBI **1993** II 1445).

⁸⁸ Versiun tenor la cifra II 2 da la LF dals 19 da mars 2010, en vigur dapi il 1. d'avust 2010 (AS **2010** 3233; BBI **2009** 5435).

⁸⁹ Versiun tenor la cifra II 2 da la LF dals 19 da mars 2010, en vigur dapi il 1. d'avust 2010 (AS **2010** 3233; BBI **2009** 5435).

Art. 71 Surpassaments

- 1 Cun ina multa fin a 20 000 francs vegn chastià, tgi che cuntrafa sapientivamain:⁹⁰
 - a. en in'autra moda e maniera a questa lescha;
 - b. ad ina disposizion singula ch'è vegnida drizzada ad el renviond a la smanatscha da chasti previsa en quest artitgel.
- 2 Il delinquent vegn chastià cun ina multa, sch'el agescha per negligentscha.
- 3 La cumplicitad è chastiabla.
- 4 ...⁹¹

Art. 72 Applicaziun dal Cudesch penal

Sch'ina contravenziun cunter questa lescha ademplescha a medem temp il causal da l'artitgel 234 dal Cudesch penal⁹², è appligabla mo questa disposiziun. Dal rest vegnan appligadas ultra da las disposiziuns penales dal Cudesch penal er quellas da questa lescha.

Art. 73 Applicaziun dal dretg penal administrativ

Ils artitgels 6 e 7 da la Lescha federala dals 22 da mars 1974⁹³ davart il dretg penal administrativ valan confurm al senn per acts chastiabels tenor questa lescha.

6. titel Disposiziuns finalas**1. chapitel Abolizion e midada dal dretg vertent****Art. 74** Abolizion da la Lescha davart la protecziun da las auas

La Lescha federala dals 8 d'october 1971⁹⁴ davart la protecziun da las auas cunter contaminaziun (Lescha federala davart la protecziun da las auas) vegn abolida.

Art. 75 Midadas da leschas federalas

...⁹⁵

⁹⁰ Versiun tenor la cifra II 2 da la LF dals 19 da mars 2010, en vigur dapi il 1. d'avust 2010 (AS 2010 3233; BBI 2009 5435).

⁹¹ Aboli tras la cifra II 2 da la LF dals 19 da mars 2010, cun effect dapi il 1. d'avust 2010 (AS 2010 3233; BBI 2009 5435).

⁹² SR 311.0

⁹³ SR 313.0

⁹⁴ [AS 1972 950; 1979 1573 art. 38; 1980 1796; 1982 1961; 1984 1122 art. 66 cifra 3; 1985 660 cifra I 51; 1991 362 cifra II, 402, 857 agiunta cifra 19; 1992 288 agiunta cifra 32]

⁹⁵ Las midadas pon vegnir consultadas sut AS 1992 1860.

2. chapitel Disposiziuns transitoricas

1. secziun

Allontanament d'aua persa nunsmerdada, installaziuns per magasinar ladim natural e material d'alluvius tar stabilitments d'accumulaziun

Art. 76⁹⁶ Allontanament d'aua persa nunsmerdada

Ils chantuns procuran che – il pli tard 15 onns suenter l'entrada en vigur da questa lescha – l'effect d'ina serenera na vegnia betg pli restrenschì tras aua persa nunsmerdada che resulta cintinuademain (art. 12 al. 3).

Art. 77 Installaziuns per magasinar ladim natural

Ils chantuns fixeschan il termin per adattar la capacitat d'installaziuns per magasinar ladim natural da cas en cas tenor urgenza. Els prokurant che tut las installaziuns da magasinaziun sajan sanadas entaifer 15 onns suenter l'entrada en vigur da questa lescha.

Art. 78 e 79⁹⁷

2. secziun Prelevaziuns d'aua

Art. 80 Sanaziu

¹ Sch'ina aua currenta vegn influenzada fermamain tras prelevaziuns, sto ella vegnir sanada tenor las ordinaziuns da las autoritads sut ils lieus da prelevaziun, senza ch'ils dretgs existents d'utilisar las auas vegnian tangads en ina moda che giustifitgass ina indemnisiaziun.

² L'autoritat ordinescha mesiras da sanaziun supplementaras, sch'i sa tracta d'auas currentas en cuntradas u en biotops ch'en registrads en inventaris naziunals u chantunals u sche auters interess publics predominants pretendan quai. La procedura per constatar l'obligaziun d'indemnisaziun e la fixaziun da l'indemnisaziun sa drizza tenor la Lescha federala dals 20 da zercladur 1930⁹⁸ davart l'expropriaziun.

³ Sche l'ordinaziun da mesiras da sanaziun supplementaras en territoris inventarisads tenor l'alinea 2 pertutga ovras idraulicas pitschnas u auters stabilitments ch'en situads per lung d'auas currentas e che han ina valur per la tgira da monuments, cumpareglia l'autoritat ils interess da la protecziun da monuments cun quels da la protecziun da las zonas inventarisadas.⁹⁹

⁹⁶ La rectificaziun da la CdR da l'AF dals 8 da sett. 2015 concerna mo il text franzos (AS 2015 3021).

⁹⁷ Aboli tras la cifra II 33 da la LF dals 20 da mars 2008 davart la rectificaziun formalda dal dretg federal, cun effect dapi il 1. d'avust 2008 (AS 2008 3437; BBI 2007 6121).

⁹⁸ SR 711

⁹⁹ Integrà tras la cifra I da la LF dals 11 da dec. 2009 (renatralisaziun), en vigur dapi il 1. da schan. 2011 (AS 2010 4285; BBI 2008 8043 8079).

Art. 81 Terms da sanaziun

1 L'autoritat fixescha ils termins per las mesiras da sanaziun da cas en cas tenor urgenza.

2 Ella procura che las lavurs da sanaziun èn terminadas fin il pli tard la fin 2012.¹⁰⁰

Art. 82 Basa per la sanaziun

1 Ils chantuns fan in inventari da las prelevaziuns d'aua existentes tenor l'artitgel 29; quest inventari cuntegna indicaziuns davart:

- a. la quantitat d'aua prelevada;
- b. la quantitat d'aua restanta;
- c. la quantitat d'aua da dotaziun;
- d. las relaziuns giuridicas.

2 Els giuditgeschan las prelevaziuns d'aua ch'èn registradas en l'inventari e decidan, sche ed en tge dimensiun ch'ina sanaziun è necessaria. Ils resultats vegnan menziunads en in rapport. Quel duai sche pussaivel mussar la successiun da las mesiras che ston vegnir prendidas.

3 Els inoltreschan ils inventaris entaifer 2 onns ed il rapport entaifer 5 onns suenter l'entrada en vigur da questa lescha a la Confederaziun.

Art. 83 Prelevaziuns d'aua en cas che la concessiun è gia dada

1 En cas da prelevaziuns d'aua planisadas, per las qualas la concessiun è vegnida dada avant l'entrada en vigur da questa lescha, sto la protecziun da l'aua sut il lieu da prelevaziun vegnir garantida tras mesiras tenor questa lescha tant enavant che quai è pussaivel senza ch'ils dretgs existents d'utilisar las auas vegnian tangads en ina moda che giustifitgass ina indemnisaziun. Sche la concessiun è vegnida dada suenter il 1. da zercladur 1987, na giustifitgeschan las mesiras betg l'obligaziun d'indemnisaziun tenor l'artitgel 31 da la lescha.

2 Sche interess publics predominants pretendan ina protecziun supplementara, ordinescha l'autoritat las mesiras necessarias tenor questa lescha. La procedura per constatar l'obligaziun d'indemnisaziun e la fixaziun da l'indemnisaziun sa drizza tenor la Lescha federala dals 20 da zercladur 1930¹⁰¹ davart l'expropriaziun.

3 L'autoritat ordinescha las mesiras il pli tard avant che las lavurs da construcziun per ils stabiliments da prelevaziun d'aua cumenzan.

¹⁰⁰ Versiun tenor la cifra I 11 da la LF dals 19 da dec. 2003 davart il program da distorgia 2003, en vigur dapi il 1. da schan. 2005 (AS 2004 1633; BBl 2003 5615).

¹⁰¹ SR 711

2^{bis}. secziun¹⁰² Midadas da la deflussiun da l'aua e bilantscha da gera**Art. 83a** Mesiras da sanaziu

Ils possessurs d'ovras idraulicas existentes e d'auters stabiliments per lung da las auas èn obligads da prender las mesiras da sanaziu adequatas tenor las prescripcziuns dals artitgels 39a e 43a, e quai entaifer 20 onns suenter l'entrada en vigur da questa disposizion.

Art. 83b Planisaziun e rapport

¹ Ils chantuns planiseschan las mesiras tenor l'artitgel 83a e fixeschan ils termins per la realisaziun. La planisaziun cumpiglia er las mesiras ch'ils possessurs d'ovras idraulicas ston prender tenor l'artitgel 10 da la Lescha federala dals 21 da zercladur 1991¹⁰³ davart la pestga.

² Ils chantuns inoltreschan la planisaziun fin ils 31 da december 2014 a la Confederaziun.

³ Els rapportan mintga 4 onns a la Confederaziun davart las mesiras realisadas.

3. secziun ...**Art. 84¹⁰⁴****3. chapitel Referendum ed entrada en vigur****Art. 85**

¹ Questa lescha è suttamessa al referendum facultativ.

² Il Cussegħi federal fixescha l'entrada en vigur.

Data da l'entrada en vigur: 1. da november 1992¹⁰⁵

¹⁰² Integrà tras la cifra I da la LF dals 11 da dec. 2009 (renatiralisaziun), en vigur dapi il 1. da schan. 2011 (AS 2010 4285; BBI 2008 8043 8079).

¹⁰³ SR 923.0

¹⁰⁴ Aboli tras la cifra I da la LF dals 21 da mars 2014, cun effect dapi il 1. da schan. 2016 (AS 2014 3327; BBI 2013 5549).

¹⁰⁵ COCF dals 5 d'oct. 1992.

Disposiziuns finalas da la midada dals 20 da zercladur 1997¹⁰⁶

¹ Dumondas per indemnisiuns tenor l'artitgel 61 alinea 2 literas a, b, c, e ed f da la Lescha davart la proteczion da las auas en la versiun dals 24 da schaner 1991¹⁰⁷ vegnan giuditgadas tenor quest dretg, sch'ellas èn vegnididas inoltradas avant il 1. da schaner 1995. La cundizion ch'è cuntegnida là, numnadamain che la construcziun stoppia vegnir cumenzada entaifer 5 onns suenter l'entrada en vigur da la lescha, vegn replazzada tras la cundizion che la decisiu da l'emprima instanza davart la construcziun dal stabiliment stoppia esser vegnida prendida avant il 1. da november 1997.

² Dumondas per indemnisiuns tenor l'artitgel 61 alinea 1 litera c da la Lescha davart la protecziun da las auas en la versiun dals 18 da mars 1994¹⁰⁸ vegnan giuditgadas tenor quest dretg, sch'ellas èn vegnididas inoltradas avant il 1. da november 2002 e sche las mesiras èn vegnididas prendidas e scuntradas avant questa data.

³ Dumondas per indemnisiuns tenor l'artitgel 61 alinea 2 da la Lescha davart la protecziun da las auas en la versiun dals 18 da mars 1994 ch'èn vegnididas inoltradas avant questa midada, vegnan giuditgadas tenor il dretg nov.

¹⁰⁶ AS 1997 2243; BBI 1996 IV 1217

¹⁰⁷ AS 1992 1860

¹⁰⁸ AS 1994 1634..

